



Broj:01-02-2-4109/20  
Sarajevo, 22.04.2020. godine

Na osnovu članova 13. i 38. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11), u skladu sa članovima 8., 9., 10., 11., 58. i 65. Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10), poglavljem III Odluke o osnivanju Fonda za profesionalnu rehabilitaciju i zapošljavanje osoba s invaliditetom („Službene novine Federacije BiH“, br. 48/10), a na prijedlog v.d. direktora Fonda, Upravni odbor Fonda za profesionalnu rehabilitaciju i zapošljavanje osoba sa invaliditetom, na 12. telefonskoj sjednici održanoj dana 22.04.2020. godine, donosi

**Pravilnik o izmjenama i dopunama  
Pravilnika o raspodjeli sredstava za financiranje/sufinanciranje programa  
održivosti zaposlenosti, razvoja privrednih društava za zapošljavanje osoba sa  
invaliditetom i zaštitnih radionica, te programa profesionalne rehabilitacije  
osoba s invaliditetom br. 01-02-2-3058/20 od 20.03.2020. godine**

**Član 1.**

Usljed situacije uzrokovane pandemijom koronavirusa Covid-19, a u cilju održivosti zaposlenosti osoba sa invaliditetom iza člana 9. Pravilnika o raspodjeli sredstava za financiranje/sufinanciranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba s invaliditetom br. 01-02-2-3058/20 od 20.03.2020. godine (u daljem tekstu: Pravilnik), dodaje se novi član 9 a, koji glasi:

- (1) U okviru Lotova I, IV i V pored namjena definiranih Pravilnikom odobrava se planiranje i utrošak sredstava za namjenu – financiranje/sufinanciranje neto plaće za zaposlene osobe sa invaliditetom.
- (2) Navedena namjena se može planirati u okviru programa održivosti zaposlenosti (Lot I, IV, i V) u privrednim društvima za zapošljavanje osoba sa invaliditetom, zaštitnim radionicama, organizacijama osoba sa invaliditetom, za osobe sa invaliditetom koje obavljaju samostalnu djelatnost ili poljoprivrednu djelatnost kao jedino i glavno zanimanje uključujući i osobe sa invaliditetom koje su zaposlene u skladu sa člankom 56. stavak 2. i 3. Zakona.
- (3) Pravo na iznad definiranu namjenu imaju osobe sa invaliditetom koje ispunjavaju uvjete definirane člankom 15. stavak (6) Zakona o profesionalnoj rehabilitaciji, osposobljavanju i zapošljavanju osoba sa invaliditetom.
- (4) Namjena financiranja/sufinanciranja neto plaće za zaposlene osobe sa invaliditetom može se planirati za osobe za koje se kod Fonda ostvaruje

pravo na novčanu nadoknadu a za koje nije aktivna podrška kroz mjeru novčanog stimulansa.

- (5) Najveći iznos koji se može financirati/sufinancirati po jednoj zaposlenoj osobi sa invaliditetom za predmetnu namjenu je 300,00 KM mjesečno.
- (6) Za zaposlenu osobu sa invaliditetom koja ostvaruje pravo na subvenciju neto plaće, može se odobriti financiranje/sufinanciranje neto plaće u iznosu koji sa subvencijom neto plaće isplaćene prema posljednjem obračunu novčane naknade iz 2020. godine ne prelazi iznos od 450,00 KM.
- (7) Namjena financiranja/sufinanciranja neto plaće za zaposlene osobe sa invaliditetom se može planirati za vremensko razdoblje od šest mjeseci.
- (8) Za iznad navedenu namjenu ne mogu aplicirati privredna društva i organizacije osoba sa invaliditetom koje su uslijed pandemije koronavirusa Covid-19 otpustili osobe sa invaliditetom.
- (9) Ukoliko u toku trajanja programa dođe do prekida radnog odnosa za osobu sa invaliditetom za koju je dodijeljena namjena financiranje/sufinanciranje neto plaće za zaposlene osobe sa invaliditetom, korisnik sredstava će izvršiti povrat cjelokupnog iznosa koji je dodijeljen za navedenu osobu za predmetnu namjenu.
- (10) Odredbe ovog člana se odnose samo na Javni poziv objavljen u aprilu 2020. godine.

## Član 2.

Ovaj Pravilnik stupa na snagu danom donošenja.



PREDSJEDNIK  
UPRAVNOG ODBORA

Dr. Senad Pešto

Dostaviti:

- V.d. direktoru Fonda
- Nadzornom odboru
- Sektorima Fonda
- a/a